



Broj. 05-50-1-635/17  
Sarajevo, 12.4.2017. godine

*PITANJE 1.*

**PARLAMENTARNA SKUPŠTINA BiH**

**- Zastupnički dom -**

**SARAJEVO**

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 14-04-2017			
Organizaciona jedinica	Klasifikaciona oznaka	Went broj	Broj prijava
01-	50-1-	15-42/17	

**PREDMET:** Odgovor na zastupničko pitanje - dostavlja se

Vijeće ministara Bosne i Hercegovine, na 98. sjednici održanoj 12.4.2017. godine, utvrdilo je Odgovor na zastupničko pitanje koje je postavio Denisa Bećirović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

**GENERALNI TAJNIK**  
*Zvonimir Kutleša*





Bosnia and Herzegovina  
COUNCIL OF MINISTERS

Broj: 05-50-1-635/17  
Sarajevo, 12.4.2017. godine

Denis Bećirović, poslanik u Predstavničkom domu Parlamentarne skupštine Bosne i Hercegovine, u skladu sa članom 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ broj 79/14) 08. 03. 2017. godine postavio je sljedeće poslaničko pitanje:

„Šta ste konkretno uradili 2015. i 2016. godine s ciljem ulaganje u tehnološki razvoj, inovacije i kreiranje društva znanja u kojem će vještine, inovativnost i naučnoistraživački rad biti mjerljivi kriterij uspjeha?“

Na poslaničko pitanje Vijeće ministara Bosne i Hercegovine je na 98 . sjednici održanoj 12 . 4 . 2017 . godine, utvrdilo sljedeći

ODGOVOR

Ministarstvo civilnih poslova BiH među svojim nadležnostima ima obavljanje poslova i izvršavanje zadataka koji se odnose na utvrđivanje osnovnih principa koordiniranja aktivnosti, usklađivanje planova entitetskih tijela vlasti i definiranja strategije na međunarodnom planu u području nauke.

Zakonom o Budžetu institucija Bosne i Hercegovine i međunarodnih obaveza Bosne i Hercegovine, na stavci tekući grantovi Ministarstva civilnih poslova Bosne i Hercegovine, za svaku godinu planiraju se sredstava namijenjena za programe pod nazivom: „Podrška tehničkoj kulturi i inovatorstvu“ i „Podrška za pripremu projekata i potencijalnih kandidata za sredstva iz fonda EU –FP7 (HORIZONT, COST i EUREKA)“.

Ministarstvo civilnih poslova svake godine u svojim budžetskim zahtjevima traži da se poveća iznos namjenjen za finansiranje ovih programa.

U 2015. godini, Zakonom o budžetu institucija Bosne i Hercegovine i međunarodnih obaveza Bosne i Hercegovine za 2015. godinu („Službeni glasnik BiH“ broj 40/15), utvrđeni su sljedeći iznosi za ove grantove:

1. „Podrška tehničkoj kulturi i inovatorstvu u Bosni i Hercegovini“ za 2015. godinu u iznosu od 117. 000, 00 KM.

Ova sredstva su dodijeljena za 20 subjekata nakon provedenog Javnog konkursa, odlukom Vijeća ministara BiH o dodjeli sredstava po ovom grantu („Službeni glasnik BiH“ broj 90/15), a u skladu sa Odlukom o kriterijima za dodjelu sredstava po ovom grantu („Službeni glasnik BiH“ broj 60/15).

2. „Podrška za pripremu projekata i potencijalnih kandidata za sredstva iz fonda EU-FP7“ u iznosu od 444. 000, 00 KM.

Sredstva u iznosu od 404.000,00 KM su dodijeljena za 32 subjekta putem Javnog konkursa, na osnovu Odluke Vijeća ministara BiH o dodjeli sredstava po ovom grantu („Službeni glasnik BiH“ broj 90/15), a u skladu sa Odlukom o kriterijima za dodjelu sredstava po ovom grantu („Službeni glasnik BiH“ broj 60/15). Sredstva u iznosu od 40.000,00 KM odobrena su Ministarstvu civilnih poslova BiH za aktivnosti koje imaju za cilj povećanje stepena uspješnosti učešća u programu HORIZON 2020.

U 2016. godini Zakonom o budžetu institucija Bosne i Hercegovine i međunarodnih obaveza Bosne i Hercegovine za 2016. godinu („Službeni glasnik BiH“ broj 101/15)), utvrđeni su sljedeći iznosi za ove grantove:

1. „Podrška tehničkoj kulturi i inovatorstvu u Bosni i Hercegovini“ za 2016. godinu u iznosu od 117. 000, 00 KM.

Ova sredstva su dodijeljena na 33 subjekata nakon provedenog Javnog konkursa, odlukom Vijeća ministara BiH o dodjeli sredstava po ovom grantu („Službeni glasnik BiH“ broj 55/16), a u skladu sa Odlukom o kriterijima za dodjelu sredstava po ovom grantu („Službeni glasnik BiH“ broj 18/16).

2. „Podrška za pripremu projekata i potencijalnih kandidata za sredstva iz fonda EU-FP7“ u iznosu od 444. 000, 00 KM.

Sredstva u iznosu od 404.000,00 KM su dodijeljena za 32 subjekta putem Javnog konkursa, na osnovu Odluke Vijeća ministara BiH o dodjeli sredstava po ovom grantu („Službeni glasnik BiH“ broj 55/16), a u skladu sa Odlukom o kriterijima za dodjelu sredstava po ovom grantu („Službeni glasnik BiH“ broj 18/16). Sredstva u iznosu od 40.000,00 KM odobrena su Ministarstvu civilnih poslova BiH za aktivnosti koje imaju za cilj povećanje stepena uspješnosti učešća u programu HORIZON 2020.

Bosna i Hercegovina je od januara 2014. pridružena zemlja u Okvirnom programu EU za naučna istraživanja i inovacije Horizont 2020. Ovaj status BiH je dobila potpisivanjem Sporazuma s Evropskom unijom o učešću BiH u programu HORIZONT za period 2014-2020. Budžet programa EU Horizont za period 2014-2020 iznosi skoro 79,5 milijardi EUR. Okvirni programi (FP – Framework Programme) EU za istraživanje i razvoj su glavni instrument za finansiranje naučnoistraživačkog i istraživačkorazvojnog rada zemalja članica i pridruženih zemalja ovom Programu, kao i za jačanje Evropskog istraživačkog prostora (ERA-e). Okvirni programi postoje zvanično od 1984. godine. U periodu 2009-2013 godine BiH je bila pridružena članica i prethodnog Okvirnog Programa EU FP7. Na političkom planu važnost pristupa Okvirnim programima je velika, jer interes BiH za učešće u ovim programima proizlazi iz njenog strateškog opredjeljenja prema evropskim integracijama sa krajnjim ciljem punopravnog članstva u EU, a oblast nauke i istraživanja je obično prvo poglavlje koje se otvara u pregovorima sa zemljama kandidatima za članstvo. Za učešće u programu Horizont se plaća tzv. „ulazna karta“, s tim da Bosna i Hercegovina dio sredstava za ulaznu kartu obezbjeđuje iz IPA sredstava a dio iz Budžeta.

Horizont 2020 je najveći sistem finansiranja za ove svrhe u svijetu. Program je otvoren akademskom sektoru, državnim organizacijama, privredi, srednjim i malim preduzećima, velikim kompanijama, udruženjima, nevladinim organizacijama, s ciljem da se intenzivnije fokusiraju na inovacije i naučnoistraživačke aktivnosti bliske tržištu. Posebna pažnja je posvećena područjima sa manje razvijenom naučnom infrastrukturom i malim i srednjim

preduzećima za koja je namijenjeno oko 20 posto ukupnih sredstava. Horizont 2020 Bosni i Hercegovini omogućava jedinstvenu priliku za finansiranje projekata koji bi inače teško mogli naći sredstva iz drugih izvora. Između ostalog, to su projekti koji finansiraju stručno usavršavanje akademske zajednice ili rad u inostranstvu, saradnje sa privredom na komercijalizaciji inovativnih proizvoda ili usluga te unapređenja infrastrukture. Oblasti koje pokriva Horizont 2020 su izuzetno široke te je stoga jedan od najvažnijih izazova za organizacije u BiH da nađu svoje mjesto i odgovarajuću ulogu u projektima koji će biti finansirani, kako bi maksimalno iskoristili sredstva koja je EU stavila na raspolaganje. Horizont 2020 ima za cilj da se pronađu i implementiraju najbolja rješenja, tako da sve zemlje koje učestvuju u programu mogu da osjete rezultate u svakodnevnom životu građana, ali i u privredi, ekonomiji i nauci. Kao rezultat Horizont 2020 projekata očekuje se značajan napredak u konkurentnosti organizacija koje uzmu učešća, a samim time i društva u cjelini. Pojedinci koji imaju znanja i vještine za učešće u projektima mogu u velikoj mjeri unaprijediti svoje karijere i pomoći strateški razvoj svojih organizacija.

Dosadašnje učešće u programima Evropske unije pokazalo je da Bosna i Hercegovina ima veliki interes za učešćem, a da za uspješnije učešće u novom programu HORIZONT treba se fokusirati na sektore u kojima imamo najveći potencijal.

U cilju uspješnijeg učešća u programu EU HORIZONT neophodno je uspostaviti potrebnu strukturu što je i učinjeno kroz imenovanje nacionalnih kontakt tačaka i članova programskih komiteta za pojedine oblasti. Takođe, kontinuirano se organizuju info dani i radionice s potencijalnim nosiocima projekata kako bi im se pružila pomoć u pripremi projekata.

Kao izuzetno važna podsticajna aktivnost koja treba da dovede po povećane uspješnosti učešća u programu HORIZONT su grant sredstva koja putem konkursa Ministarstvo civilnih poslova i Vijeće ministara BiH dodjeljuju za podršku u pripremi projekata s kojima subjekti iz Bosne i Hercegovine apliciraju na pozive u okviru programa HORIZONT, kao i za učešće u programima COST i EUREKA. Iskustva zemalja u okruženju i drugih zemalja pokazuju da su ovim mjerama značajno doprinijeli uspješnosti učešća u programima Evropske unije.

Od 2009. godine BiH je punopravna članica programa COST i pridružena članica programa EUREKA. Program COST (European CO-operation in the field of Scientific and Technical Research) je međuvladin okvir za evropsku saradnju u oblasti naučnih i tehnoloških istraživanja. U okviru COST programa provjeravaju se teme za istraživanja koja u kasnijoj fazi ulaze u Okvirne programe EU. Program EUREKA je evropska mreža za finansiranje tržišno orijentisanih projekata iz različitih tehničkih oblasti. EUREKA pomaže izgradnju partnerstva kroz zajedničke multilateralne projekte s ciljem jačanja evropske konkurentnosti. Rezultati projekata su novi proizvodi ili usluge, koji promovišu napredne tehnologije i imaju svoje mjesto na tržištu. Program je namijenjen istraživačkim institucijama i firmama, spremnim da zajedničkim ulaganjima u određenim programskim oblastima zajedno razvijaju nova tehnološka rješenja i proizvode.

U 2015. godini je potpisan Ugovor o Centru za istraživanje i inovacije Zapadnog Balkana-WISE. Ovaj ugovor u ime Bosne i Hercegovine potpisao je ministar civilnih poslova Bosne i Hercegovine, gospodin Adil Osmanović. Osnovna misija Centra je da jačanje regionalnih istraživačkih, inovacionih i tehnoloških sistema, pružanjem podrške, savjetovanja, informacija i preporuka državama, javnim i privatnim institucijama te nevladinim organizacijama i svim drugim relevantnim sudionicima, s ciljem jačanja saradnje na regionalnom, EU i međunarodnom nivou te poboljšanja istraživačke i inovacione klime zapadnog Balkana. Posebno, ovaj Centar će raditi na promoviranju saradnje naučnika unutar i izvan regije zapadnog Balkana, s posebnim naglaskom na naučnu dijasporu, u svrhu omogućavanja zajedničkog korištenja velikih naučnih infrastruktura i promoviranje naučnih centara

izvrsnosti. Dodatno, Centar promiče mobilnost mladih istraživača i doktoranata u regiji zapadnog Balkana te između regije i drugih zemalja. WISE aktivno radi na jačanju saradnje i koordinacije između naučnih organizacija s ciljem boljeg strateškog ulaganja u naučnu infrastrukturu, kao i na produbljivanju i promoviranju saradnje između naučnih organizacija i industrije.

U navedenom periodu potpisan je Sporazum između Vijeća ministara Bosne i Hercegovine i Vlade Republike Austrije o naučnoj i tehnološkoj saradnji i Sporazum o saradnji u oblasti nauke i tehnologije između Vijeća ministara Bosne i Hercegovine i Vlade Republike Turske.

Odlukom Vijeća ministara Bosne i Hercegovine imenovan je i novi saziv Vijeća za nauku Bosne i Hercegovine. („Službeni glasnik BiH“ broj 2/16). Vijeće za nauku Bosne i Hercegovine je, prema Okvirnom zakonu o osnovama naučno-istraživačke djelatnosti i koordinaciji unutrašnje i međunarodne naučno-istraživačke saradnje Bosne i Hercegovine, savjetodavno i stručno tijelo Ministarstva civilnih poslova Bosne i Hercegovine.

U toku je usvajanje Revidiranog dokumenta Strategije razvoja nauke u Bosni Hercegovini sa Akcionim planom za njeno provođenje za period 2016 - 2021 godina.

Na osnovu Sporazuma između Vijeća ministara Bosne i Hercegovine i Republike Slovenije o saradnji u oblasti kulture, obrazovanja i nauke („Službeni glasnik BiH-međunarodni ugovori“ broj 1/01) Zajednički odbor za naučno-tehnološku saradnju između Bosne i Hercegovine i Republike Slovenije odobrio je 36 projekata pristiglih na osnovu Konkursa za sufinansiranje boravaka i putovanja u okviru saradnje istraživača koji rade na realizaciji zajedničkih naučnoistraživačkih projekata u okviru naučne i tehnološke saradnje između Bosne i Hercegovine i Republike Slovenije za 2016. i 2017. godinu.

Isto tako na osnovu Sporazuma između Vijeća ministara Bosne i Hercegovine i Vlade Crne Gore o naučnoj i tehnološkoj saradnji, od 01. decembra 2008. godine („Službeni glasnik BiH,- Međunarodni ugovori“ broj 16/09) za 2016. i 2017. godinu, Mješovita komisija je pregledala prispjele prijedloge projekata, te u skladu sa prioritetima dviju država odobrila 14 projekata.

Ministarstvo civilnih poslova Bosne i Hercegovine učestvuje u radu Sektorske radne grupe za pripremu Sektorskog planskog dokumenta IPA II 2016 – 2017 godina, sektor Konkurentnost i inovacije: lokalne strategije razvoja. U okviru ovog dokumenta koji je u fazi nacрта, trebao bi biti usvojen najkasnije u martu 2016. godine, predviđena je podrška za pripremu prijedloga projekata za Evropske fondove, program EU za istraživanje i inovacije Horizont 2020 i povećan stepen primjene savremenih tehnologija i inovacija u industriji. Ova podrška se odnosi na projekte koji će biti finansirani iz EU IPA II sredstava.